



Corc Buş, Serok Komarê Amerîka:

DESTÊ ÎRANÊ DI BÛYERÊN HINDURÊ ÎRAQÊ DE HEYE

Roja 11.02.2006'an, Corc Buş, Serokê Amerîkayê, dewleta Îranê bi maytêkirin di kar û barên Îraqê û dest hebûn di wan bûyerên tund û tûj ku di Îraqê de diqewimin, gunehbar kir.

Serok Komarê Amerîkayê, piştî dawî hatina civîna derheq Îraqê di Koşka Sîpî de bo rojnamevanan axivî û got: "Dema ku Îran dixebite kar li ser pîrosêsa siyasî a Îraqê û rewşa tenahiya wî welatî bike û bixwaze nîfûza xwe di pêxema aloziyên zêdetir di Îraqê de zêde bike, em bi van radigehînin ku em ji vê zirûfê nerazî û vêzarin.

Her wisa Buş anî ziman ku: "Ez daxwazê ji dewletên cîran yê Îraqê dikim ku rêyê bi Îraqê bidin bila demokrasî di wî welatî de geşe bike û her wiha eva li ser Îran û Sûriyê jî tê cî kirin.

Jêder: Malpera "Peyamnêr"



Daxuyaniyek ji Sekretariya Komîteya Navendî ya PDK Îranê

Civîna aliyên Kurdî yê Kurdistanê Îranê ji bo bas û guherîna bîr û fikran derheq pêkanîna eniya Kurdî bi bîy beşdariya Komeleya Şoreşvan ya Zehmetkêşên Kurdistanê û Rêxistina Kurdistanî ya Partiya Komonîst ya



Îranê(Komele) hate lidarxistin....

R. 2

Agehdariya Komîsyona Rêxistina Nepenî ya PDK Îranê ji bo xelkê Azadîxwaz yê Pîranşarê

Divêt xelkê bi şan û şeref yê Pîranşarê ji kompoyên dujmin agedar bin û rêyê nedin ku ziyar û xisar bigihîje dezgeh, sazî û cihên xizmetkirinê yê giştî ku rejîm bi



hêceta vê çendê serkut û êrîşa bêrehmane ya xwe bo ser selkê xurtir bimeşe.

R. 2

Meşa xelkê Pîranşarê bi dijî cinayetên rejîmê

Demjimêr 11'ê sibêdehiya roja şemî 20.12.1384(11.03.2006)'an hêzên rejîmê li cihekê bi navê "Petik" ku dikeve ser rêya Hacî Omeranê, destdirêjîyê ji kesekê bi navê **Fayîq Recebî**, xelkê Şêxan a ser bi bajarê Şîno û rûniştîyê Pîranşarê dikin û di encama teqeya hêzên dijî gelî de, navbirî canê xwe ji dest dide.

Xelkê qehreman û netirs yê Pîranşarê piştînevroya wê rojê bi zorî meytê navbirî ji hêzên rejîmê standin û meşeke nerazîbûnê bi pişikdariya hezaran kesî bi dijî wê cinayeta hov a rejîmê lidarxistin. Xwenîşanderan bi gotina dirûsmên dijî rejîmê êrîş kirne ser du Pasgehên hêzên rejîmê û sê tirombêlên van jî şewitandun. Di ancama meşê de hêzên rejîmê teqe ji xwepêşanderan kirin û 10 kes ji xelkê wêzar bûyî ji rejîma dijî gelî birîndar kirin.

Siloganên vê meşê pêkhatibûn ji: **Qasimlo Qasimlo rêya te dirêjî heye, bihilose Rejîma Komara Îslamî, bijî Partiya Demokrat ya Kurdistanê Îranê.**

Peyama Kofî Enan Bi Boneya Roja Cîhanî A Jinan

R. 8



Dr. Roya Tilûf, Çalakvana mafê Jinan û Xebatkara mafên mirovan li Kurdistanê, di hevpeyvîneke taybet bi Agirî re:

Ez dê vegerime welat, lê tevî hemû Pêşmerge û şoreşvanên welatê xwe yê serfiraz

Beşa 2 û dawî



Fazike nû ji xebata mafxwazane ya gelê me

xebat û tekoşîna mafxwazane ya neteweya me di Rojhilata Kurdistanê xwe avêtîyê nava fazike nû



R. 2- 3

Ji dayîk serdestiyê heta ...

jin ji bo rizgarbûn ji hemû zext û givaşên ruhi, siyasî, aborî, civakî û çandî pêwîstî bi sazîyên nedewletî yê berevankarê



mafê jinan hene...

R. 7

REXNEGIRÎ

Rexne, ligel ku karê herî zor û zehmet e jî, îro her kes bi hêsanî radibe dikeve bin vî barê giran û xwe wekî rexnegir û rexnekar nîşan dide....



R. 10

Daxuyaniyek Ji Sekretariya Komîteya Navendî Ya PDK Îranê

civîna aliyên kurdî yên kurdistanê îranê ji bo bas û guherîna bîr û fikran derheq pêkanîna eniya kurdî bi bêy beşdariya komeleya şoreşvan ya zehmetkêşên kurdistanê û rêxistina kurdistanî ya partiya komonîst ya îranê(komele) hate lidarxistin.

Roja 16.12.1384(07.03.2006)'an: Piştî cehd û hewildaneke berbiçav ya birêz Dr. Saman Şalî, Berpirsiyarê "KNC"ê bi armanca baskirin ji pêkanîna

eniyeye Kurdistanî di navbera hêzên opozîsyonê li Kurdîstana Îranê, aqibet li ser civîneke hevpar di nava pênc partiyan Kurdî yên Kurdîstana Îranê lihevhatin çêbû.

Di roja duşem, 15.12.1384(06.03.2006)'an de, civîna han li gor wî qirarî hate lidarxistin. Şanda PDK Îranê, Yekîtiya Şoreşvanên Gelê Kurdîstanê û Rêxistina Xebatê li cihê civînê de amadebûn. Lê mixabin Rêxistina Komeleya Şoreşvan ya Zehmetkêşên Kurdîstanê û Rêxistina Kurdîstanî ya Partiya Komonîst ya Îranê(Komele) her yekê bi hêcetekê ne amade bûn di civînê de beşdariyê bikin.

Nûnerên partiyên beşdar paş bas û gotûbêj û guhertina bîr û rayan, hevî xwestin ku di pêşerojê de civîna han bi beşdariya her 5 rêxistinên pêk bihê, bona vê çendê ku binêşeya pêkanîna hevbandî yan eniyekê ku bikare rola bibandor di tevgera Kurd li Kurdîstana Îranê de bilîze, darêjin.

Agehdariya Komîsyona Rêxistina Nepenî Ya PDK Îranê Ji Bo Xelkê Azadîxwaz Yê Pîranşarê



Divêt xelkê bi şan û şeref yê Pîranşarê ji komploynê dujmin agedar bin û rêyê nedin ku zîyan û xisar bigihîje dezgeh, sazî û cihên xizmetkirinê yên giştî ku rejîm bi hêceta vê çendê serkut û êrişê bêrehmane ya xwe bo ser selkê xurtir bimeşîe.

Sibêdeya roja 20.12.1384 (11.03.2006)'an, ji aliyê hêzên Întizamî (leşkerî) ve kesek bi navê **Fayîq Recebî**, kurê Şerîf teqe jî tê kirin û di encamê de jiyana xwe ji dest dide.

Xelkê nerazî jî vê riftara rejîmê bo wergirtina meytê wî givaşeke zaf ji bo rejîmê tînin û aqibet paşnîvro termê wî distînin. Xelkê bêzar, êrişê dikin ser Pasgeha hejmar 2 û bi dar û kevîran derî û pencereyên wê binkeya leşkerî dişikînin; di encamê de hêzên rejîmê gaza rondikrêjê bi kar tînin û dixwazin beşdarên meşê

li hev dîr bikin. Lê hewl û cehda wan bê encam dibe. Xwenîşander ji Şeqama "Şênawê" bo aliyê qada Serdeştê dikevin rêyê û derî û pencereyên Şaredarî, "Agahî", Navenda Leşkerî ya hejmar 11, Bankên "Ticaret", "Sipeh", "Sadirat", "Mesken", "Besic" û "Kîşawerzî" didin ber dar û kevîran û di dawiyê de ber bi aliyê Navenda Hêzên Leşkerî dikevine rê û teqe û pevçûn awayekî xurtir bi xwe digre. Di encamê de 4 otombêlên Navenda Hêzên Leşkerî tén şewitandin. Li pey vê çendê dubare teqe ji xwenîşanderan tê kirin û hejmarek birîndar dibin. Serbarê vî halî jî meş her berfirehtir dibû û hejmara xwenîşanderan ber bi zêdebûnê diçû. Rejîmê jî rêya kirêgirtiyên xwe ve wekî komployeke herdemî, êriş kirin ser "Kiyosek" a Îdareya Ajotinê (Rahnimayî we Ranendigî) û Femandariyê û parek ji wan agir berdanê.

Em rêz û hurmetê ji berxwedaniya xelkê bajarê Pîranşarê digrin û spasiya vê hevgerîyê û yekdengiyê dikin. Em behî û sarsaxiyê li malbata Fayîq Recebî dikin û hêviya çêtirbûnê ji birîndaran re dixwazin.

Di heman demê de em didin zanîn ku xelkê bi şan û şeref yê Pîranşarê divêt bizanin di rojek wiha de nabe rê bihête dayîn ku xisar û zirar bigihîje dezgeh û cihên xizmetkirinê yên giştî û rejîm bi sedema vê çendê bi awayekî hov û bêrehmane serkut û êrişê xwe bo ser xelkê xurtir neke. Hewce ye bihê gotin di êvariya wê rojê de heta sibê li bajar bi tevahî hikûmeta leşkerî û rewşa awarte hebûye û hetanî niha jî rewşa bajar bi giştî aloz dixuye.

Fazeke Nû Ji Xebata Mafxwazane Ya Gelê Me

Simayîl Şerefî

Xebata mafxwazane ya neteweya Kurd li Rojhilata Kurdîstanê dijî desthilata dijî Kurd ya Komara Îslamî ya Îranê serbarê berdewamiyê, niha xwe zelandiyê qonaxeke nû û taybet ve. Lênihêrînek bi ser meş û bizavên nerazîbûnê yên vê dawiyê ji aliyê xelkê hişyar yê bajarên cuda cuda yên vî parçeyî jî welatê parvekirî yê me û nirxandina aliyên cur bi cur yên van bizavane, wiha dike ku em bi pênaseyek nû şiroveya xebata netewexwazî a

vê neteweya bindest bikin.

Ya ku bûye sedema guhartina kakil û metoda îroyîn a neteweya me û derbasî qonaxek din ji xebata giştîgîr û gellî kiribe, bilind bûna asta şîûra netewî a civatên xelkê Kurdîstanê ye. Bi wateyê din seh û ruha neteweyî bûye hêvênê xebata mafxwazane ya neteweya me. Ruhek ku kariye, hevdengî û hevhelwestiyê di nava neteweyek perçiqandî û welateke dagîrkirî de biafirîne.

Encama vê dewra nû ji xebata neteweya me bi terzekê şiroveya şiyarî û xwe nasîna neteweyî ye. Xwenasîn bi vê wateyê ku berevajî îdeaya dujminên me, em neteweyek serbixwe ne û xwedî ax û niştîmanek taybet bi xwe ne. Xwe nasîn bi vê wateyê ku me (wekî netewe) tu tiştek ji neteweyên din yên cîhanê kêmîtir nîne û mafê diyarîkirina çarenivîsa xwe heye.

Serhildana xelkê bajarên Kurdîstanê bi taybetî di havîna îsal de tevî şirove

kirin jî vê xwenasîna neteweyî, xuya kirin ku xelkê Kurdîstanê rejîma Komara Îslamî ya Îranê bi tevahî dijî mafên neteweyî yên xwe dizanin. Her ev hişyariya xelkê Kurdîstanê bi desthilatdarên rejîmê da xuya kirin ku ev neteweye ji qonaxa bê ser û beriyê bihorîye û bi hev re û bi awayekî hevgerî dijî desthilata wan sekinîne. Lewra bi hatine ser kara terorîstekî mîna Ehmedînejad û kabîneya leşkerî-ewlekarî ya wî, zext û givaş bo ser Kurdîstanê jî caran zaftir û gurtir bûne. Kuştina bêrehmane ya Şivane Seyîd Qadirî û têkdana hovane ya meytê wî û piştê tepeserkerîna xwepêşanderên Mehabadê û şehîdkirina zêdetir ji 20 kes ji xelkê bajarên Seqizê û bajarên din yên Kurdîstanê di havîna îsal de gewahyarê vê rastiyê ne.

Rejîma dijî Kurd ya Komara Îslamî a Îranê li ser vê baweriyê ye ku bi xurt û zêde kirina givaşan bo ser neteweya me, dê bikare pêş ji derbirîna dengên nerazî bigre, yan jî bi terzekê wan çavtirs bike. Lê giştîgîr û gellî bûna xebata îroyîn a vê neteweyê di serhildanên îsal de da selimandin ku rejîm şaş difikire û karîna fetisandin û bêdeng kirina dengê

mafîxwazane ya wan nine. Piştî serhildana xelkê Mehabadê, piraniya bajarên din yê Kurdistanê jî bo piştevaniya û mehkûm kirina rejîmê xwenîşandan li derxistin. Ger xwendin û pênasêya rejîmê jî girtine pêş a tund û tûjî û tepeserkirina xelkê Kurdistanê rast ba, nedibû îro em bibane şahîd û gewahyarê meş û serhildana xelkê qehreman yê Makûyê.

Rejîma kîndar û dijî Kurd a Komara Îslamî bi êrîş kirin bo ser xwenîşanderên azadîxwaz yê Makûyê 10 kes ji wan şehîd kirin û zêdetir ji 30 kes birîndar û nêzîk bo 700 kes jî girtin û rapêçî girtîgehê kirin. Zext û givaş, karîna biçok de anîna viyana neteweyî a vê gelê hişyar nine.

Çunkî ev vîn û îradeya, bi derbasbûyîyeke pir ji fedakarî û gorîbûnê

aniye ku heta ramanên neteweyî ya wan, sinûrên destgêkirî jî bezandine û em pirsgirêk û dozê di desthilateke serbixwe a Kurdî de (di her çar parçeyan de) dibînin. Lê cur û terzên helwestan ji bo wan ku hêj di bindestî û çewisandinê de dijîn, du alî hene: ji aliyekê bidestxistî û boneyan bi ya hemû Kurd û Kurdistanê dizanin û li hember de helwestê ji xwe nîşan didin. Ji aliyê din ve jî ev destkevt û bonane kirine bi hêcetêk û bi xwenîşandan û hatine ser şeqaman, dengê nerazî û vêzariya xwe digîhîjine guhê Komara Îslamî. Girtina Ocalan, pesend kirina federaliyê ji bo Başûra Kurdistanê, bûyera 1'ê Şibata Hewlêrê, bûyera Qamîşlo û wd ...

Ev bone û destkevtên parên din yê Kurdistanê bûn ku xelkê Rojhilatê Kurdistanê bi van hincet û destkevtane

Lênihêrîn û xwendina vê faza nû ji xebata neteweya me vê rastiye dide eyanê ku neteweya me di Rojhilata Kurdistanê de li warê hişyarî ve bi vê astê jî hest û şûr û xwenasîna neteweyî gihîştîye ku halet û awayek giştîgîr û tev alî bi bizavên xwe didin.

3. Hevdengî û hevhelwestiya civatên xelkê

Yek ji taybetmendiyên din yê qonaxa xebata gelî (cemawerî), yekîtiya di navbera refên civatên xelkê ye, anku hevdengî û hevhelwestî, Ev taybetmendiye bi tevahî di xwenîşandanên Reşemeya 1377(1998)'an û havîna îsal ya neteweya me di bajarên Kurdistanê de bi başî û aşkera xwe derxist (Pênase kir). Civatên xelkê Kurdistanê li



Ger xwendin û pênasêya rejîmê jî girtine pêş a tund û tûjî û tepeserkirina xelkê Kurdistanê rast ba, nedibû îro em bibane şahîd û gewahyarê meş û serhildana xelkê qehreman yê Makûyê

piştrast e û rewşeke wekî niha ya pir ji hişyariya neteweyî heye û ji pêşerojê geş û ronahî re dinêre.

Xebata van çend salên dawiyê yê xelkê Rojhilata Kurdistanê tevî vê ku bilind bûna asta şiyarî û hişyariya neteweyî rolek sereke û bingehîn lîstîye, xwedî hin taybetmendiyên cuda ye ku pêk hatine ji:

1. Veguhastina bone û destkevtên parên din yê Kurdistanê

Bilidbûna asta hest û şûra neteweyî û pirosesa xwenasîna neteweyî bi terzekê hevdengî û hevhelwestî di liv û bizavên vê neteweyê di Rojhilat Kurdistanê de pêk

helwesta xwe hebûne û weke hecetêkê, bi armanca nîşandana dijberiyê tevî rejîmê mifah jê wergirtine.

2. Giştîgîr(gelîbûn) bûna bizavên nerazîbûnê

Di heyama yek sala derbasbûyî de xelkê Kurdistanê bi giştî-ne tenê bajar û deverêk diyarîkirî – ji bajar û deverên cuda cuda yê Kurdistanê (her ji Makûyê heta Îlamê) bi tevahî û giştîgîr meş û bizavên nerazîbûnê ji xwe nîşan dane.

bajarên din piştevaniya xurt a xwe ji xelkê bajarê Sine nîşan dan û cinayeta rejîmê li bajarên Sine mehkûm û şermezar kirin. Her wiha di havîna îsdal de jî bo carek din xelkê Kurdistanê dan selimandin ku li ser bingeha ruha neteweyî, hevdeng û hevhelwest in. Lewma piştî xwenîşandanên xelkê bajarê Mehabadê û êrîşa rejîmê bo ser xelkê vî bajarî, xelkê bajarê din yê Kurdistanê jî bi derketin û hatina ser rêgehê gihîştina hewara xelkê bajarê Mehabadê û kerb û vêzariya xwe ji rejîmê dane eyanê.

4. Xurtbûna zext û givaşan bo ser xelkê Kurdistanê

Rejîmê bi başî hest bi biwêrî û çelengbûna xelkê Kurdistanê di xebata bi dijî xwe de kiriye. Lê li gor îdeolojîk bûn û kakîla neguher a xwe nikare îtirafê bi xwast û daxwazên vê neteweyê bike. Lewra bi merema fetisandin û bêdengkirina dengê netewexwaziyê, roj li pey rojê givaşên xwe bo ser xelkê pêtir kirine û cehd û hewla tepeserkirina zaftir a wan dide. Eva jî ji aliyekê mandîbûna rejîmê û ji aliyê din jî yekdengî û tekez kirina neteweya me li ser retkirina rejîmê dide eyanê.

Bi giştî qonaxa xebat û tekoşîna mafîxwazane ya neteweya me di Rojhilata Kurdistanê xwe avêtîyê nava fazeke nû. Partî û aliyên siyasî yê Rojhilatê Kurdistanê jî li serveyî hemûyan PDK Îranê, hewce ye ku dahûrandin û xwendineke hûr û berfireh li ser vê qonaxê ji xebata neteweya me bikin ji bo ku bikarin bi merema bidestveanîna armancên me yê neteweyî kanalîze bikin û cehda bihêz kirina hest û şûra neteweyî a xelkê me ji bo misoger kirina mafên rewa û berheq yê me bidin.

Demokrasî, Biha û Piratîka Wê

Kurmanc Hakkî
kurmanchakki@yahoo.com

Beşa 23

Berhevdana giştî
Destpêk
Di wan salên derbazbûyî de, demokrasiya delîberatîv zortirîn bala teorîzanên demokrasiyê bo aliyê xwe kişandiye.

Demokrasiya delîberatîv paşê demokrasiya bi beşdariya giştî yan li rêya nûnerayetiye zortirîn bal û gengeşa piştî 1980'an de bi destve anî. Bi hizra aligirên demokrasiya delîberatîv taybetmendiyên herî girîng yê demokrasiyê beşdarî, diyalog û berhevkirina hizr û ramanan berî biryardanê ye¹. Me di beşên berê li ser demokrasiya delîberatîv li teoriyên edaletxwazane ya "Beitz" û demokrasiya bihêz ya "Barber" axiviye.

Bi baweriya "Elstêr" (1982), demokrasiya delîberatîv naxwaze pêfrînsa welatiyan hev bide, lê dixwaza wan **biguhorîne**. Destewajeya han di demokrasiya herî îdeal de diviya pêfrînsên takekesan giraniya wek hev bîn dan, ku em dikarin bi demokrasiya "Joshua Cohenia" (1991) yan demokrasiya **"aggregative"** nav bibin. Aligirên wê ramanê tagirê teroriya wîsta gel, teoriya birêveberiya berpirsane û herwiha aligirên yeksaniya civakî ne. Li gor demokrasiya delîberatîv, armanc li gotûbêj û gengeşeya giştî ewa ye ku pirsgrîkên pêwendîdar bi civakê bi awayekê bikevin ber gengeşe û pênasikirinê ku tu tişt bo welatiyan dema biryara kolektîv hin nehê nas kirin.

Li gor aligirên demokrasiya delîberatîv ew hizr û ramanên ku herî baş in, di gotûbêj û diyaloga vekirî de dê bihên peyda kirin û şansê serkevtinê bo baştirin alternatîvan e. Demokrasiya delîberatîv di gelek waran ve bingehên wek Komarîxwazan heye ji bo biryardanê û başiya hevbeş. Demokrasiya delîberatîv dikaribe her wisa bersîvek be bi wê girîftê ku di beşên berê da li ser başî an berjewendîya havbeşî di civakên çend alî de hate bas kirin. Berhevdan û hizra giştî li demokrasiyê de dikarin bibin metodên lihev gihîştinê di dema dijheviya berjewendiyên de. Li ber wê jî demokrasiya delîberatîv dikaribe bibe konstruktîv (avadanker).

Di çend beşên pêşîn de em dê ser teoriya demokrasiya delîberatîv, konsensûsa ûteralistan li ser pirsgrîkên demokrasiya giştî biaxivin. Di şûn de em dê di beşên pêşîn de mijara xwe di mêzegeha siyasî û ramyariyê de bînin berçav. Em di vêgotara xwe de dê qala avakerên teoriya delîberatîv bikin.

Ûtîlarîzm û hizra ragihandinê

Ji kilasîkên Ûtîlarîzm an berjewendîxwazan em dikarin "Jeremy Bentham" (1784 -1832) bidin nasandin. "James Mill" (1773- 1835) felsefeya "Bentham" di dema guftûgoyên civakî yê Îngîlistanê "popûler" (bi nav û deng) kir. Di felsefa "Bentham" mirov bi awayekî "hedonistike" derûnnaşî tê dîtin. Bi wê wateyê ku sirûştta mirov dixwaze hertim tenahiye fikrî bidestve bîne û xwe li nexweşiyên biparêze. Pêvajoya **utility** bi wateya xweş moral, bi berjewendî û bi keyfî tê dîtin. Armanca ûtîlarîzma kilasîk ewa bû ku piraniya mirovan seh bi tenahî û asayîşe bikin. Eva jî bi wê wateyê tê ku aligirên ûtîlarîzmê kiryarên dewletê an mirovan li gor pîvanên sincî dinirxînin, da ku bizanibin karê han heta çiqas di berjewendîya tenahiya civakî, wate ûteralîzma civakî de ye. Ramana han her wisa bû bingeha lêkvedan û biryara siyasî.

Li gor "Bentham" û "Mill", em dikarin **demokrasiya li ser bingeha nûnerayetiye** bi vî awayî şirove bikin ku biryarên li ser bingeha Parlamantarîzmê bi awayekî herî baş xizmeta tenahiya civakî bikin. Tenahiya giştî ya civakî dikaribe wek bihayek serbixwe bihê dîtin ku bidestveanîna wê di rastî de bidestxistina demokrasiyê ye. Her wiha em dikarin Teoriya ûtîlarîzmê bi konsekvential yan exlaqa piştî bûyeran bidin nasandin. Ji ber ku kiryar û metodên ku hatine bi kar anîn, li gor encama wan tê berhev (qezawet) kirin.

Li gor "Bentham", demokrasiya Parlamantarîstî ji ber vê dikaribe tenahiya civakî ber bi pêş bibe, çunkî welatî dikarin zêrevaniya kar û barên Parlemantan bikin û di dengdana xwe de biryarê li ser kiryar û ji nû ve hilbijartina wan bidin. Di nivîsên dawiya xwe de "Bentham" li ser wê baweriyê ye ku Parlemanter divêt salê carek bihêne hilbijartin û dengdan ji mafê giştî û her wiha wekhev (ji bo mêran û jinan) bibe. "Bentham" berevajî "John Stuart Mill" ku xwazyarê dengdana eşkere bû, aligirê dengdana nepenî ye.

Bi dîtina "Bentham" ragihandin û zelalî dibe hegera wê yekê ku biryarder bi awayekî berpirsane biryaran bidin û dibe sebaba wê yekê ku xwe li karên nebaş dûr bixin. "Bentham" ragihandinê wek dadgehek an tirbûnek datîne ku Parlemanteran naçar dike erkên xwe derheq welatiyan bicih bînin û wan biryaran bidin yê ku di berjewendîya welatiyan da ye. Li gor wî ragihandin û zelaliyet bi wê wateyê ye ku axavtin, axivînen di Parlemanê de, biryar, hizr û ramanên Parlemanteran bi awayekî vekirî di ragihandinan de bihê weşandin. Her wiha li gor wî, faktên pêwendîdar bi biryarên Parlemanteran jî divêt eşkere bin. Li gor wî nepenî kirin yan hewildan bo weşartina tiştan, şik û gumanên mirov li ser nebaşiyên biryaran zêdetir dike û dibe hayderê hizra nigatîv. Ji bo bidestveanîna baweriya welatiyan, hewceyî bi vekirîtiya (şefafiyeta) Parlemantar û karbidestan heye.

"Bentham" sê (3) dujminên ragihandinê (giştî bûnê) bi vî awayî destnîşan kirine: 1. Ev xirabkarên ku hertim ji ber dad û edaletê direvin, 2. Dîktatorên ku dixwazin bi serkut û zexta xwe hemû hizr û ramanên giştî û ragihandinî bi awayekê kontrol bike ku tenê aligirî jî wî bê kirin 3. Birêvebir û biryarderên bê behre, yê ku xetayê sernekevîna xwe dixin stûyê xelkê din. Giştîbûn û eşkere bûna destûr û yasa di ûtîlarîzma "Bentham" de li ser bingeha berjewendiyên giştî tê berevanî kirin. Li gor wî welatî bi bihîstin û dîtina çalakîyên biryarderan xweşiyê dikin.

Parastina nepeniyên jî dikaribe li ûtîlarîzmê de bê berevanî kirin, heke bihê û ewa li xizmeta ewlekariya giştî de bihê dîtin. Li gor "Bentham" nepenîbûna pirsên jêrîn dikarin xizmeta tenahiya giştî bikin. Nepenîparêzî di demekê de ku dujmin bixwazibe cihê xwe di nava civakê de veke yan vekirîtiya civakî

bikar bîne û bixwazibe zirarê li mirovên bêgûneh û sivîl bide an jî di dema ku hukmê giran ser tawanbaran tê dan. Li gor wî her wisa dema ku biryarder seh dikin ku nikarin baweriyê bi welatiyan bînin yan hêza biryardan û lêkvedana welatiyan di astekê de nine ku pirsgrîkên berhev bidin, nepenîparastin di xizmeta ewlehiya civakî de tê zanîn. Bi dîtina "Bentham" welatî bi giştî ji biryarderên zêdetir cihê baweriyê ne, ji ber ku gelek caran biryarder dixwazibin hêz û desthilata xwe bi awayekî xirab bi kar bînin. Bi baweriya "Bentham" nepenî parastin bi hegera wê ku welatiyan hêza berhevdanê nine, şaşî ye; ji ber ku nepenîkirina pirsgrîkên hêza raman û berhevdanê li welatiyan distîne. Nepenîkirina biryaran yan hegerên biryardanê dibe hegera pêşgîrî kirin li ronakbîrî û çêbûna hizr û ramanên welatiyan li ser pirsgrîkên pêwendîdar bi wan.

Li hember dîtina "Bentham" de, bîrmend "Amy Gutmann" û "Dennis Thompson" (1996) li ser vê baweriyê ne ku maksîmal kirina zelalîne nikaribe di xizmeta lêkvedana demokratîk û berpirsariya biryarderên be. Li gor wan hinek pirsan bê ku hewce be berpirsariya biryarderên bikeve jêr pirsyan, dikarin bi awayê nepenî cî bi cî bikin. Pirsên han bo nimûne dikarin jiyana taybetî ya biryarderên be. Bi baweriya "Gutmann" û "Thompson" du cur mijarên nepenî parastinê hene ku bo biryarderên li hember eşkerebûn û berpirsariya wan girîng in. Ew jî nepeniyên xiyametkarane û nihênîyên kûr in. Nepeniyên xiyametkarane bi wan nihênîyan tê gotin ku bi hegera rêndan bi welatiyan bo zanîna wan nepeniyane ziyaneke mezin bi civakê bigehe û baweriya welatiyan bi biryarderên jî nav bibe. Bo nimûne mirov dikarin qala piropagendeya şer bike ku tê de dixwazibin tenê zirar û ziyânên dujmin çend qat mezintir nîşan bidin û ziyânên xwe yê rastî weşêrin û welatî ser rastîyan agahdar nehin. Nepeniyên kûr ji wan nihênîyan re tê gotin ku welatiyan tu agahdariyek ji wan nînin, bo nimûne bernamaya çêkirina çekên Etomî yan biyolojî bi nepenî jî wan nihênîyan e ku biryarder li welatiyan diparêzin. Him nepeniyên xiyametkarane him jî nihênîyên kûr dibin hegera berlêgirtina Parlemanê li zêrevanîkirin li biryaran û bi vî awayî jarkirina demokrasiyê.

Zelaliya ûtîlarîzmê jî bo baştirbûna encamên biryarên desthilatdarane ye. Ew encamane jî girêdayî bi wê yekê ne ku heta çiqasî li mafê xwe jî bo bidestveanîna zanyariyan ser biryar û hegerên biryara desthilatdaran çalak in û her wiha bi seha berpirsariya biryarderên hatiye girêdan ka çiqas bi soz û peymanên xwe wefadar in. Bi vî awayî di dema darêtin û damezrandina sazî û bingeha divêt li gor wan teoriyane ne tenê hewce bi maksîmal (herî berfireh) kirina vekirîtiyê ye, belkî divê hewce bi seha berpirsariyê jî di hilbijartinan de heye. Her wiha hinek sinc li welatiyan jî tê çavnihêrî kirin, ew jî zêrevaniya çalakane li ser biryarên biryarderên û beşdariya çelengane di hilbijartin û dengdanan de ye.

Doma basê di hejmarê din de.

Çalakvana Mafên Mirovan û Xebatkara Mafê Jinan Dr. Roya Tilûî:

EZ DÊ VEGERÎME WELAT, LÊ TEVÎ HEMÛ PÊŞMERGE Û ŞOREŞVANÊN WELATÊ XWE YÊ SERFIRAZ

Sarîna

(Beşa 2 û dawî)

Pirs: Em dizanin ku hûn wekî çalakvaneka warê mafên mirovan û mafên Jinên Kurd,

ji nêzik ve guhertinên siyasî jî şopandine. Vê dawiyê hejmarek ji endamên Kurd yê gerên berê yê Parlemana Şêwra Îslamî ya Îranê û çend kesên naskirî ku derbasbûyîya wan jî xelkê Kurdistanê neveşartî ye, rêxistinek bi navê Eniya Yekbûyî ya Kurd ava kirine û ragehandine ku dixwazin di çarçoveya Qanûna Bingeîn ya Îranê de mafên Kurdan bidestve bin. Nêrîna te derbarê vê rêxistina nû çî ye û bi bawerîya we di çarçoveya desthilata Komara Îslamî de, rêxistîneke Kurdî ya serbixwe, dikare tekoşîn hebe? Yan çêtir e em bibêjin dikare bi vîc û qazancê pirsgirêkên Kurd li Kurdistana Îranê gavan bavêje? Heke na armanc jî avakirina rêxistîneke Kurdî ya wisan di bin desthilata rejîma Komara Îslamî de çî ye?

R.T: Ez pirsgirêka sereke di destpêkê de ji aliyê partiyên Kurdî bi xwe dibînim ku di vî warî de ew hinde mehtel bûn û xemsaî kirin ku hin kes bi neçarî û li gorî karî û şîyan û derfeta xwe li hundirê Îranê ve dest bi kar bûn. Ez dixwazim vê çendê jî bibêjim, ew kesên ku dest dayîne vî erkî, ne yeksera reş bibînin û ne yeksera sipî. Wan her derbasbûyîyek hebe, xuya ye divêt paşan bersiva dadgeha raya giştî ya xelkê Kurdistanê bidin û xelk kiryarên wan yê baş û xirab dê bidin nixandî. Aliyê girîng yê vî karî eva ye ku pirsgirêka Kurd di Îranê de hinde xuya û berçav e ku nahê înkâr kirin û bi awayê rêxistîneke kartonî jî be, dikeve ber bas. Aliyê nerênî yê wê eva ye ku di bin qanûna bingehîn ya Komara Îslamî ya Îranê de, xalek û nîviya vê yasayê - heta heke piştî 27 salan jî birêve biçê- mafê gelê Kurd bidestve nahê û ji bo bidestveanîna mafên neteweya me di Îranê de hewcehî bi guhartinên kûr û berfireh di Qanûna Bingeîn de ye, meger eva ku Fars dibêjin, em bixwazin bibêjin "kaçî bêh ez hîçî" û bi vî qasa kêm jî em razî bibin. Helbet hewceye em vê çendê jî berçav bigrin, Feraksyona Nûnerên Kurd jî di Parlemana Îslamî ya Îranê de çêbû, ne di gera şeşem û ne ya heftem de ji bo çareserkirina

pirsgirêka Kurd karek pê nehate kirin û ne tê kirin. Sedema bingehîn jî zêrevaniya "Îstiswabî" (diyarî kirinê) di Îranê de ye û berbajarên Parlemantoyê her ew kesên rejîmê ne ku naxwazin û izna wan jî tune kareke dijî xwestek û dilê rejîmê bikin. Bi her halê heyî heke armanca Eniya Yekbûyî ya Kurd mafê Kurdan e, divêt netirsane derkeve meydanê û jî girtin, zîndan, êşandin û îşkenceyê netirse, hekene bi gotina Farsan "şutur sewarî dula dula nemîşê". Mînaka karê netirsane jî Rêxistina Mafên Mirovan li Kurdistanê ye ku heya niha karê baş kiriye.

Pirs: Niha ku hûn li derveyî welat in û tevî



Dr. Roya Tilûî:

Ji min re bêdengî û çeleng nebûn ji mirinê diwartir e.

baldan bi wan talî û nexweşiyên ku di rêya xebatê de rastî te hatine, rengê vê çendê nade te armanca vegeyîyanê hebe. Bernameya we çî ye û gelo hûn dê xebata xwe bidomînin?

R.T: Ez dê veegerime welat, lê tevî hemû Pêşmerge û şoreşvanên welatê xwe yê serfiraz, Rojhilata Kurdistanê. Ez bawer nakim di vî rewşê de, çî di warê navneteweyî û çî di warê hundirîn de ku bi ser Komara Îslamî ya Îranê de hatiye, ev vegeyîyane heyemeke gelek dirêj bikişîne. Ceribîna Taleban li Efxanistanê û

Sedam li Îraqê û pirojeya Rojhilata Navîn ya mezin ji me re dibêje guherînê dê pêk bihê. Her wekî hûn dizanin dosya Etomî ya Îranê ji aliyê Ajansa Vejena Etomê ya Navneteweyî ji bo Konseya Ewlekariya Rêxistina Neteweyên Yekbûyî hate şandin û rengê vê hindê nade rojên ronahî û geş di pêşerojê de li benda Komara Îslamî bin.

Niha ku ez hatime derve, ji bo domandina xebatê û çalakiyan hatime. Xuya ye heke ez di Îranê de mabam, heta heke ez ji wan tawan û gunehên "muharîb" û tiştên din jî xilas bibam - ku nedibûm - diviya ez bêdeng birûniştibam û çî nekim û çî nenivîsim. Ji bo min bêdengî wekî hepsa bilind e û jî îdamê xirabtir e. Ji ber ku bi îdamê lidarvekirinê yekcarî jiyanê te bi dawî tê, lê di girtîgehê de jiyan, ji mirinê nexwestir e. Ji min re bêdengî û çeleng nebûn ji mirinê diwartir e.

Pirs: Wekî xebatkareka mafê mirovan û mafê wekheviya jin û mêran, we çî gotinek ji bo xwendevanên Agirî û Kurdistanê û bi giştî Jinên Kurd heye?

R.T: Bi rastî gotinên min gelek in, ez hêvî dikim xwendevanên hêja jê mandî nebin:

1. Em demekê dikarin hikûmetê demokratîk ava bikin ku hizir û ramana me demokratîk be. Bi giştî Kurd ji bo demokratîkbûnê hewceye takekes perweriyê bavêje dûr. Ev edeta ku em takekesekê dikin Xwedê û ew qas mezin dikin ku em bawer in ev mirove nabe tu şaşîyek hebe û miroveke/a herî vala be, şaşî û çewtiyê mezin e. Gelek caran jî pir bi hêsanî wî/ê qehreman û mêrxasê/a ku me çê kiriye bi şaşiyên herî kêr diherînin û wisan bêrehmane dikutin ku nikare serî hilde ku eva jî şaşîyê mezin e.

2. Divêt em cehd û hewleke zaf bidin çanda xwe di halê devkî de derbixin û bikin çandê nivîsarî. Divêt em jin û mêr bi xwendin û perwerdekirina xwe û zarokên xwe girîngiyê bidin. Her çîqas em pileya xwendewarbûna xwe bibin jor, heştê kême û kêmasî û valahî zaf e.

3. Zorlêkirî çî jin be, çî neteweyek be, bi sedema wê zulma ku jê tê kirin, di warê kesayetî, civakî û kulturî ve pirsgirêkên zaf hene. Bo rizgarbûnê ji van zulmanan, hewce ye di yekemîn gav de me bawerî bi xwe û karînan xwe hebe. Bila em ne jina çeleng, netirs û xwedî şîyan bi mêran bişibînin û ne Kurdê netirs û xwedî karîniyê destperwedeyê desthilatê bizanin. Divêt em bawer bikin ku em jî xwediyê hêz û karîne ne. Em vê hêzê dixin ser gunehbar kirina hev - ku ji vî rêyê em xizmetê bi desthilatê

dikin – em hêz û şiyana xwe bixin ser hevgirtinê, bidestxistiyên me dê zêdetir bin.

4. Ji bo wan kesan jî ku bi xwendin û ji ber kirina du pirtûkan xwe bi rewşenbîr û xwende dizanin û hemû dema xwe bo vê çandê terxan dikin ku dîtî û gotinên kevî û nû yê hizirvanên Rojava ezber bikin û bi navê xwende û rewşenbîr xwe li çavê hev bikutin – mixabin ew rastiya berçav di hundirê welat de gelek e – ez dibêjim ronakbîrî liber kirin û seh bi xwendevar kirinê û kişandina diwarekê di navbera xwe û xelkê de nîne. Qahîmkarî û nebûna biwêriyê, bi aqil zanîn nahê wateya rewşenbîriyê. Divêt rewşenbîr bêtirs û rexnegir be û ji xelkê xwe jî ne veqetiyabe. Ew ronakbîrê/a ku nekare bandorek li ser jiyana xelkê hebe, pûşikekê naîne. Eger xwe peydaker û afirînerê ramanê nû nebe, romana Rojava jî wekî xwe nusxe neke û cehd û hewlê bide bike xwecihî û tevî rewşa civaka xwe binirxîne. Bi raya min rewşenbîrê Kurd Pêşmergeyek çandî ye û xuya ye Pêşmergeyê tevî tirs û qahîmkariyê naşibe hev.

5. Divêt jinên xebatkar yê Kurd di vê qonaxê de ku tevgera jinan di cîhanê de bidestxistinê baş hene û ji bilî xebatê ji bo wekheviya jin û mêran, ji bo wekheviya mafên neteweyî jî, nemaze neteweya zulmêkirî ya Kurd cehd û bizavê bidin. Xuya ye zulma netewî jî serbarê stema zayendî yek ji sedemên perçiqandina jinên Kurd e. Eva rastiyeke ku haşa jê nehê kirin û ez matmayî me hin çalakvanên warê mafên jinan bi sedema alîgirî kirina wan jî îdeolojiyêkê vê rastiye înkâr dikin. Renge sedema vê çendê jî dûr ketina çendî salî li welat be û seh pê nekirina wan êş û azarên ku jineke Kurd bi sebebê Kurdbûnê dikîşîne. Kifş û eyan e jiyana li welateke Ewropayê û mifah wergirtinê ji van mafane bo her jinekê bi fermî hatiye naskirin, nikare tevî awayê jiyana jinên me di civakeke daxistî û bi hikûmetekî îdeolojîk de ku jin bi nîva mîr û bi koleya zayendî dizane, wekhev be. Divêt mirov di hundirê welat de bijî heya bizanibe dema ku bi hinceta Kurd bûnê çawa awayekî tehqîrê bi mirov re dinêrin û ji ber wê ku tu Kurd î, giringiyêke wiha nadin te, derdê zulma neteweyî çî ye. Vêca heke jin bî û Kurd jî bî, êş û azara te du hember e.

6. Em jin di darêtinê de çiqas beşdar bûne? Gelo mîrên darêjerê vê îdeolojiyanê çiqas xasmaniyên me berçav digirin? Gelo di wê wekheviyê de ku

bas jê dikin, bi rastî zayenda jin mifah jê standiye?

Ceribînên civakî selimandine ku kêmasî û valahiyan zayendî di her tax û qatekê de her berdewam bûye, bo mînak jineke kedkar tu car mafê mîrekî kedkar nîne û bi sedema zayendî her tê çewisandin.

Em jin nikarin bi dirûsmên bê kiryar yê wekheviyê xwe bixapînin. Divêt wekhevî di hemû waran de pêk bihe.

7. Ez li ser vê baweriyê me ku bizava jinên hundirê welat, ne bizaveke îdeolojîk e û bi hêsânî mark û nîşana Lîberaliyê jî pêre nahê zeliqandin. Nemaze vê bizavê di bersîva îdeolojiyêke tundrewane de derketiye holê û ji her raman û dîtinekê ku berband û berteng bike divêt ku weke min bîr bikin û her ez rast dikim, vêzar dibe. Vê



Dr. Roya Tilûî:

Em demekê dikarin hikûmeteke demokratîk ava bikin ku hîz û ramana me demokratîk be. Bi giştî Kurd ji bo demokratîkbûnê hewceyê takekes perweriyê bavêje dûr.

bizavê pênase û xasmaniya xwe heye û bandor jî hebûye. Her çiqas bidestxistiyên wê bi sedema rewşa desthilatdariya Îranê zaf nebûye. Di vê navberê de jî bizava karker û xwendekarî jî rastî pirsgrêka kêma destkertiya han in û taybet bi bizava jinan nîne.

8. Mixabin jinên Kurd û Îranê jî peyrewiyê ji heman rê û rêbazên mîr serdestiyê dikin ku bi ser her deste û komekê de hatiye selimandin. Bo nimûne jinên filan Partiyê her li ser rêbaza mîrên xwe tevî jinên wê Partiyê ku bîr û baweriyaya wan ya îdeolojîk ji hev cuda ye yan li hev veqetiyane, li hev nakin û ji hev nêzik nakevin. Min eva bi çavê xwe dîtîye û ez gelek pê matmayî me. Her Partiyek basa mafê jinan û wekheviyê dikin, lê jinên van partiyên cuda li ser pirsgrêkên xwe yê havbaş li hev neketine!

Eva di halekê de ye ku armanca me hemûyan wekheviya jin û mêran e û bi nêrîna min em hemû gotinekê dikin, lê bi zaravên cuda cuda. Ez bawerim dema wê çendê hatiye ku jin edeta mîr serdestane bişkinin û ji bo pêkanîna eniyêke hevgirtî ya jinan, amade bin bîr û ramanên cuda bipejîrin û em hemû ji bo armanca xwe ya hevpar yanî wekheviya mafê jin û mêran û ji bo mafê mirovan bixebitin, çî Demokrat, çî Komele, çî Komonîst, çî olî û çî ... eva nîne em tev jîn in û bi sedema zayenda xwe em tîr perçiqandin?

Pirs: weke hûn dizanin 60 sal bi ser avabûna PDK Îranê derbas bû. Partiyek ku di rêya bidestveanîna maf û azadiyên xelkê Kurdistanê de xebateke bêrawestiyana a bi xwîna hezaran şehîdên serbilind domandiye û di bernameya xwe de baweriyêke kûr bi hemû bendên Carnameya Gerdûnî ya Mafên Mirovan û nemaze wekheviya jin û mêran di malbat û civakê de heye. Wek pîrsa dawiyê raya we derheq PDK Îranê çiyê?

R. T: Ez weke Kurdek ji hemû Partiyên Kurdî re hez dikim. Lê PDK Îranê diyariya Pêşwayê me yê nemir Qazî Mihemed e û ji bo tevan rêzeke taybetî heye. Yek jî guneh û tawanên min jî di dosyeya min li dadgehê de, alîgirî ji PDK Îranê ye, ji ber vê çendê min di hevpeyvîna Radyoyî de basa şehîd kirina Dr. Qasimlo kiriye. Lê di vê beşa pîrsê de ku te got baweriyêke kûr bi wekheviya tewaw ya jin û mêran heye, ez bawerim îro ev kûrahiya pitir di gotinan de ye heta kiryarê. Mêze bikin di çaxê (Komara Kurdistanê) de bandora jinan bo vê rewşê çiqas berçav, eyan û bibandor bû? Îca nixandina civaka wê demê û civaka niha û rewşa çax û serdemê niha bikin. Gelo li gor pêşketina cîhanê û rewşê, cihê jinên partiyê jî çêtir bûye û pêgihîştine? Çiqas jinên me di rêberiya partiyê de pişikdar in? Çiqas derfeta perwerdebûnê û amadebûna wan di vî warî de ji van re pêk hatiye? Jin di biryardana partiyê de çiqas beşdar in? Çend jin endama Komîta Navendî û Deftera Siyasî ne? Me çend jinên Sekreter hebûne? Radeya xwendewariya jinên partiyê li hember mêran çawa ye?

Her çend ez haşayê ji xebat û têkoşîna bêrawestiyana ya Yekîtiya Jinan ya Partiyê nakim û bêguman li bal min gelek bihagiran û girîng e, lê ez bawerim me hêsta rêzeke gelek heta gihîştin bi wê kûrahiyê maye ku te anî zanîn

Spas û serkevî bin.

Ji Dayîk Serdestiyê Heta ...

Amadekar: Miryem Hacipûr

Li seranserê dîrokê, jin hertim qata herî çewisandî ya civakê bûne. Her çend ku berî desthilatdariya sîstema mêr serdestiyê jin xwedî rolek bingehîn bûn, lê wê demê tu regezek nehatiye çewisandin û em dikarin bibêjin ku li dema desthilatdar bûna jinan de, dîsan jî jinan pir êş û derd kişandin. Serbarê wê ku di vî serdemî de rola jinan li ser bizava gund akincîtiyê xuya û berçav e û karê çandinî, xwedî kirina Ajelan û parastina wan, çêkirina mal û xaniyên gundî, xwedî kirina zarokan, ristin û raçandin, kêlan û ... ji dahênan û afirandinên wan bûne û her wiha guhertina zimanê aşaretî yê destpêkê bi zimaek pêşkevîtîr ku pêkhatibû ji peyvên derheq bi alavên berhem anînê, ji destkevten jinan bûn, lê bi mifah standin ji gav û cot û zêdebûna biha û girîngiya şivaniyê 4 hezar salan berî zayînê, rola jinê kêmtir dibe û roj bo rojê pêtir di malê de tê heps kirin. Li serdemê mêr serdestiya li çaxê "Someryan" de bi pilê 2 tînan hesabandin û bi koletiyê tînan kişandin û desthilat û pêgeha xwe ya civakî ji dest didin û dewrana nizimbûna pêgeha jinê di dîrokê de dest pê dîke.

Bi dest pêkirina serdestiya çanda mêrserdestiyê, yekemîn "fahiş xane" bi navê "Mûsa Karim" ji aliyê Someryan ve tê ava kirin û jin tînan çewisandin û tevî ji navçûna hêdî hêdî ya pêgeh û bihagiraniya "Îlaheyan (pantion)", pêgeha jinan jî hêdî hêdî lawaz bû û jin bi koletiyê hatin kişandin û di gel peydabûna şaristaniyê, serdestiya mêran derkete holê û bandor dayîna wê zêde bû. Ji holê rakirin û li perawex xistina hêdî hêdî a jinan ji navendên jêrxan û serxan yê civaka çindar bû sedema nivîsîn û weşana pirtûka **Dîroka Bê Jin** û di dîrokê de jî li rê derketineke mezin ku bû sedema destpêbûna newekheviya regezî, pêk tê û di rastî de newekheviya regezî di gel pêkhatina newekheviya çînayeti, li hezareya duyemîn a berî zayînê de dest pê dîke û heya îro bi terzên cur bi cur didome.

Di dewrana sermayedaryê de jî, geşe kirina aborî bû sedema çêbûna valahiyek mezin di navbera qatên civakê. Aborî di asta herî zaf de bû sedema valahiyek mezin di navbera welatên geşekirî û negeşekirî û di asta kêmtir de jî bûye sedema pêkhatina valahiyê di navbera jin û mêran. Bi awayekê ku jin bûne gorî û mêr jî bûne xwediyê pêvajoya aborî.

Di vî serdemê de her çend ku hebûna jinê di pêşveçûna aborî de dikarî jinê bigihîjîne pêgeheke civakî a bilindtir û beşdariyek karîger, bihêz û bibandor di bîryardanên li ser xwe û çarenivîsa xwe û civakê de hebe, lê hebûna astengên çandî, aborî, siyasî, û ... bûne sebaba wê ku jin nekarin rol û cihwareke baş hebin.

Heya niha jî di piraniya welatan de, hikûmetan li demên hasas, dijwar û bixeter yê civakê de ji jinan mifah wergirtiye û piştî çareserî û nemana asteng û kirîzê, dîsan jin di malê de hatine hepsî kirin. Mixabin pesend kirina riftarên berevankar yê jinê di malbatê de bi riftarên berevankar yê wê redî civakê de alîkarî kiriye û bûye sedema wê ku hertim tevî dana bihayek zaf, lê vîc û mifaha herî kêmtir bipejirînin. Lewra jin divê ji bo xilas bûn ji vî çanda mêr serdest, mijûlî nixandî û vekolîna sebeb û sedemên dîrokî yê wê bin û bi nasîna pêtir li ser xwe û peyda kirina nasnameya rastîna a xwe, rêçareyek rast û dirust û bersivder hilbijêrin. Çunku berevajî vî yekê çawaniya bi koletî kişandina jinan her roj bi pêşveçûna teknolojîyê nûjentir dibe û jin jî nikarin di vî xebatê de serkevînek wiha bidest bixin.



Di bizava gund akincîtiyê de, çandinî, xwedî kirina Ajelan, xwedî kirina zarokan, ristin û raçandin rolê jinan pêk dianî

Hêjayî gotinê ye ku bi baldan bi çivanokên dîrokî û pirtûkên dîroknasî, ev tiştê tê xuya kirin ku bavê fêlbaz û zana (enkî) koletiya jinê bi mentîqa bi hev re sazîyan a digel wê biriyê pêş û li dewrana pêşverûyîya Babilê de, "Merdok", Xwedayê Babiliyan derba kuştinê bi îlaheya dayîk (Tiyamat) ê xistiye.

Niha jî her çand ku dirûşm û siloganên zor di rêya misoger kirina mafê jinan de hatine dan, lê di kiryar û piratîkê de tu berhemek nebûye û di zaf welatên kevneşop de, piraniya jinên kedkar mijûlê karên giran û şev û rojî ne, lê mifaheke wisa ji vî karî nastînin. Îro rojê karkirina di mal û çêkirina mafûr û kar di kûrexaneyên kerpûçan û ... cehenemek mezin ji bo jinan li ser dinê afirandiyê û para herî zor a karkerên di wan war û karan de penaya xwe bo xwekuştinê (zêdetir xwe şewitandinê) dibin.

Niha jin ji bo rizgarbûn ji hemû zext û givaşên ruhî, siyasî, aborî, civakî û çandî pêwîstî bi sazîyên nedewletî yê berevankarê mafê jinan hene da ku di warên cur be cur de mîna cehd û tekoşîn di haydar û zanekirina jinan, rêxistina wan, xurtkirina çanda xwebaweriyê û xebat dijî rewîşt û tîtalên xêlekî, eşîregerî û kevneşopên şaş, pêkanîna reform di yasayan de û ... cehd bikin û xebatê dijî newekheviyên civakî, malbatî û yasayî bikin bi bingeh û esas û yekgirtin û yekîtiya xwe ku şert û merca bingehîn ya serkevînekê ye, cehda xurtkirin û pêtir bûna wê bidin.

Jêder: Kovara Agirî, weşana xwendekarên Kurd yê Zanîngeha Zabilê, hejmara 4'an

Peyama Kofi Enan, Sekreterê Giştî Yê Rêxistina Neteweyên Yekbûyî Bi Boneya Roja Cîhanî A Jinan

Berpirsyariya xurtkirina wekheviya jin û mêran, li stûyê me hemûyan e ne tenê jinan

Isal, sala nixandî û lînîhêrî bi ser programa Konferansa Pîkenê, piştî dehsalekê ye. Îsal saleke girîng di bizava wekheviya

regezî û baştir kirina rewşa jinan e. Sala 1995'an jin li Pîkenê civiyan û bi nûneratî ji aliyê mirovahiye ve, gavek pir girîng avêtin. Di encamê de, ji cîhanê re bi êşkeryî û bi terzekê ku heta wê demê bê mînak bû, eyan bû û derket ku wekheviya regezî ji bo aştî û geşekirîne, hewcehiya bingehîn e.



Di heyama dehsalên borî de, me gelek geşandin û pêşketinên berçav û xuya di zaf waran de dîtine. Hêvî û xwezî bi jiyane pir baştir bûye. Hejmareke zêdetir ji keçan rû ji xwendina destpêkî kirine. Jin pitir ji her serdemek din, mêtûlê bidestveanîna dahatê ne. Her di vê demê de jî pirsgirêk û arîseyên nû derketine holê. Kirîna û firotina jinan û zarokan bînin ber çavê xwe, berçavîyek ku wijdanan dihejîne. Mixabin roj li pey rojê xurtir dibe. Yan êrîş bînin bo ser jinan di şer û pevçûnên çekdarî de, yan xurt û geşebûna bi xof a nesaxiya Îdz (HIV)ê di nava jinan û bi taybetî jinên ciwan û kêmtêmen de.

Lê gava ku mirov mîzeyî dehsala borî dike, xalek pitir ji hemûyan, balkêş û zeq dibe, em hîn bûne ku ew kosp û astengên ku dikevine ser rêya jinan, bê çareserî ninin. Em hîn bûne ku Kîjan gav karîger û bi bandor e û Kîjan gav û cehd û têkoşin jî bê encam û bê bandor e. Ger em bixwazin vê mîrata dîrokî ku jin di gelek ji civakan de bêpar hiştî ye biguherin, divêt yê ku em hîn bûne di asteke berfirehtir û mezintir de bi kar bînin. Îsal derfeteke girîng û binirx ji bo avêtina van gavane ye. Çunku rêvebirên cîhanê xwe ji bo kombûn û civînê di meha Septamberê de amade dikin ta ku nixandînekê li ser pêşketinên "Beyannameya hezarê" de bikin ku welatên cîhanê di sala 2000'ê de wekî mînak û berjengek ji bo avakirina cîhanek baştir di sedsala 21'an de, li ser de rêk ketine. Di vê civînê de ez dê daxwazê ji civaka navneteweyî bikim ku ji bîra wan be ku xurt kirina wekheviya regezî tenê li astê jinan de nine, belkî berpirsatiya wê wezîfa li stûyê me hemûyan e.

Niha 60 sal li ser vê ku avakerên Rêxistina Neteweyên Yekbûyî, li rûpela yekem a destûra vê Rêxistinê têde, yeksanî û wekheviya mafê jin û mêran cih dabûn, derbas dibe. Li vê demê ve vekolînên yek li piştî yekê hînî me kirine ku tu amûr û alavek ji bo geşebûnê, karîgertir ji bihêz kirina jinan nine.

Tu siyasetek din bi vî awayî nikare berhevanîna aborî bibe jor, yan qasê mirin û jînavçûna zarokan kêmtir bike. Tu siyasetek din bi vê radeyê garantiya baştir kirina xwarin û saxlemiyê, bo mînak berlêgirtin ji nesaxiya Îdzê nake. Tu siyasetek din heta vê qasê ji bo geşandin û geşepêdana derfetên hîndekariyê ji bo nevî û nîfşên pêşerojê bi bandor nine. Ez jî bi êşkera û wênêkî dibêjim ku tu siyasetek din bi vê radeyê ji berlêgirtin ji şer û cihgirtina aştî û tenahî û tebahiyê piştî şer de, girîng û jêhatî û karîger nine. Vêc û berjewendiyên bi kiryar a terxankirina sermayeyê bo jinan herçiqas zaf jî be, dişan girîngtirîn rastî eve ye ku: Jinan mafê jiyane pir jî rêz û hurmet û bi dîr ji tirs û nigeranî û serbestî ji ya ku em dixwazin, hene. Di vê Roja Cîhanî a Jinan de, werin em bo careke din sozê bidin ku vê rastiyê di piratîk û bi kiryar nîşan bidin û bi cih bînin.

Serkavtinên Siyasî Yên Jinên Cîhanê Di Sala 2005'an De



Ajansa nûçeyan ya Asoşêtidpirê di raporekê de da xuya kirin: Cîhan di sala 2005'an de gewahiyarê(gova û şahid) komek serkavtinên girîng yê siyasî ji bo jinan bûye.

Her ji hilibjartinên yekemîn Serok Komara jin li Afrîqayê heta bi rêveçûna yekemîn hilibjartinê bi pişikdariya dengderên jin di Erebiştana Seûdî de. Îraq û Efxanistan şahidê beşdariya jinan di hilibjartinan de û cehda wan ji bo bidestveanîna kursiyên Parlemanê bû. Di Lîbriya û Almaniyayê de bo cara yekemîn Serok Komar û Serok Wezîra jin hate ser kar û yekemîn posta siyasî ya welatê xwe bidestve girtin.

Herwiha jinan di bajarê Cede ya Erebiştana Seûdî de derfeteke bêwêne bidestveanî û di rikeberiya hilibjartinê de karî du kursiyên Desteya Birêvebir ya Bazirganiya vî bajarî bidestve bînin. Di Şîliyê de jî rewş û derfetek jêhatî ji bo hilibjertina yekemîn Serok Komara jin pêk hat.

"Kowîta Ramdas" Seroka Sindoqa Cîhanî ya Jinan ku binka bingehîn ya wê li Sanfransîskoyê dibe û piştevan û alîkarê hemû girûpên siyasî yê jinan di cîhanê de ye got: "Sala 2005'an saleke teji serkeftin ji bo jinan bûye." Wê herwiha anî ziman 10 salan berî niha me digot: "Em dixwazin yasayek bo piştevanî kirin ji jinan re bihêde danîn, lê niha em dibêjin em jinên wiha dixwazin ku xwe yasadaner bin".

Ji aliyekî din ve Yekîtiya navbera Parlemanên li Jineve da zanîn: Hejmara nûnerên jin di Parlemanên welatên seranserî cîhanê de di sala 2005'an de gihîştê 6960 jinan. Yanî ji sedî 16/1

Jêder: Malpera "iran-emrooz"

Rexne ji Komara Îslamî seba êrîş bo ser civînan

Çalakvanên Mafên Jinan li Tehranê bi hinceta Roj Cîhanî ya Jinan xwenîşandaneke lidarxistin. Di encama êrîşa Hêzên Întizamî ji bo belavkirina kombûna, Rêxistina Zêrevan ya Mafê Mirovan Rejîma Îranê bi mifah wergirtin ji tund û tûjiyê bo tepeserkirina kombûna



aştîxwazane gunehbar kir.

Li gor gotina pişikdarên vê kombûnê, hêzên Ewlekariyê li hemberî berxwedaniya xelkê ji bo têkdana vê kombûnê, êrîş kirne ser xelkê û ketne lêdan û kutana xelkê pişikdar, bi taybet xatûna **Simîn Bêhbehani**, helbestvana 70 salî.

Rêxistina Zêrevan ya Mafê Mirovan da zanîn ku ji dema hilibjartina Mehmûd Ehmedînejad ji bo posta Serok Komariyê di sala borî de, hêzên Ewlekarî yê Îranê ji bo belavkirin û tepeser kirina kombûnê aştîxwazane, ji tund û tûjiyê mifah standine.

Li gor danezana Rêxistina Zêrevan ya Mafê Mirovan, Wezaretê Hundir ya Komara Îslamî, li berê bi çalakvanên mafê mirovan re ragihandibû ku vê kombûnê hilweşînin, lê berpirsiyarên ewlekariyê piştê dan zanîn ku ev kombûn bê fermana fermî hatibû lidarxistin.

Jêder: BBCPERSIAN.com, 11.03.2006

Helbesta Kurdî û bandora wê li ser civakê



Şerîf Felah (Hêja)

Dema ku bas ji helbesta Kurdî tê kirin dem û dest laşê mirovên xwedî hest û mirovhez dicinîqê û siwarê hestên xeyala wî/ê dike û bi

esmanê ramaneke berfireh û di nava peyvên jîn û dildariyê de difire.

Heke em werin û nasnameyekê ji bo helbestê danên ku hêja û jêhatiyê wê be, renga me zêdegotin kiribe, ji ber ku her mirovek ji dîtingeh û têngîştina xwe ve mêzeyî helbest û pênasaya wê dike. Li gor dîtina min helbest,

bizava hestê di welatê xeyalê de ye, helbest di yekem dem de bizavek e dijî ne wêkhevîyê, alîgirê delalî û xweşikîyê ye, helbest derba herî bedev ya guhartinê ye, helbest ba min ev bêhna tal û şîrîn e ku ez hildikişînim, helbest bingeha kûr û qahîm a evînê ye, helbest teyrekî koçber e ku bi bê paseport li çhanê digere, helbest destpêkeke ne çavnihêr kirî ye.

Helbest seferêkî xweş û bi tam e bo herêma dildaran, helbest mêşa hingivîn e bo miştina şîra gulana ku serî li hemû baxçeyekê dide, helbest esmanekî tijî evr e ku baran bi ser cendekê helbestvanê xwedî hest de dibare, helbest şoreşa wijdanê ye li hember zulm û bêdadiyê de.

Li jor me basa helbest û wan çend pênasê û dîtingehên cuda kir, emê niha bihêne ser mijara helbesta Kurdî û bandora wê ji derbasbûyî û niha li hember civakê. Em dikarin helbesta Kurdî weke bav û çavkaniya huner û wêjeya Kurdî bi nav bikin, ji ber ku hunera herî kevnar û limêjîn a Kurdî ye.

Metodên helbestê pêka hin taybetmendiyên ku hene weke: tama taybetî li hember metodên din yê wêjeyê, bihagiraniyê xasmanî pê hatiyê dan û bi hegera nebûna hêl û rêbazeke din a pêwendîdar di navbera tex û qatên civakê de, hertim weke ragihandineke bihêz a kulturî di xizmeta gel de bûye û helbestvan jî her gav di qonaxên cur bi cur de weke desthilatdarên herî bihêz di navenda vê çandê de rola xwe lîstine. Her wek ji hemû kesekê re rohn û eşkere ye, gelê Kurd bi dirêjahiya dîrokê zulm û zordariya netewî jê hatiyê kirin û di bin lepên dagirkeran de hatiyê perçiqandin, civaka Kurdî jî weke tepeserbûyîyê neyar bo mana xwe û bidestveanîna mafên xwe bi hemû awayekê û di hemû warekê de cehd û xebat kiriye, ku wisan bû bê guman di civakeke han de her alavek ku di xizmeta wê civakê de be, bi awayekî nerast erkê wê tê diyarî kirin û zaf yasa û pîrensîpên ku berê hatine diyarî kirin bi ser de tê sepandin, ku wisan bû helbesta Kurdî ev alave ye ku di xizmeta civaka Kurdî de bûye, bi wateyêke din helbesta Kurdî nekariye di xizmeta helbestbûna xwe de be û bi zimanê helbestê û li gor hunera helbestê û xasmanî yê xwe ve bo me bipeyive. Belkî berevajî û cuda ji vê çandê ku basa xweza û ciwaniya Kurdistanê kiriye bi pesna mirovê Kurdî vehûnandiyê ji aliyêke din ve her gav ku seh bi tirsê kiriye, gelê xwe ji pîlanên cur bi cur ên neyaran haydar kiriye û heta di cihên hewce de gelê xwe hay daye ku dest bidin çekan û berengarî dujmin û dagirkeran bibin. Em dikarin bibêjin ku helbest di piraniya waran de, cuda ji take tîrbonekê, rola her terze ragihandin û belavokê din jî lîstiyê, çunkî berevanî û zimanê diyaloga wî gelî jî bûye, lewra helbest di derbasbûyî de bo gelê Kurd her bi tenê helbest nebûye, belkî weke alavekî fizîkî mifah jê hatiyê wergirtin û di xizmeta parastin û geşandina netewî de bûye. Di rewş û zirûfeke han de ye ku helbest ji resenatiya helbestê diwerese û derbê ji peykera (pêkhat) wêjeyê bi giştî û helbestê bi taybetî dide.

Her weke me qala wê çandê kir, sitema neteweyî bûye hegera vê çandê ku em di hîzr û kiriyareke neyar de bijîn, lewra ramana neyar di hîzra takê/a Kurd de rola hêzekî hayder dilîze ku bandorê li ser ziman, çand û hemû ew aliyên ku pêwendî bi jiyana û Kurdîniyê ve heye didanê, lewra ew pêl û pêvajoyên nû ku hemû aliyên jiyana mirov bi xwe ve girtine, wêje û çand jî di vê nûbûnê de bêpar ninin û bi taybetî helbest ji hemûyan zêdetir ew

nûbûna bi xwe ve girtî ye, lê divêt vê çandê jî bizanin ku helbest ji vê çandê pîroztir e ku dan û standina siyasî pê were kirin, **Bi dirûşm kirina helbestê û bi helbest kirina dirûşman** xisarekî mezin e ji peyker û riha helbestê û dibe hegera vê çandê ku helbest ji xizmeta helbestbûna xwe de nebe û bibe alavek bo gihîştin bi meremên siyasî, divêt helbestvan, nivîskar û wêjeyan bi giştî vê rastiyê ku pişkeke herî bihagiraniya ji deqeke helbestê jî çand û berhem anîna çandî pêk hatiyê, lewra heke helbestvanê/a Kurd, aliyên çandî yê helbestê û peyama helbestê berçav negire û soz û ehda çandî nebe, nekariye afirîner be, belkî xwe xapandiyê û xwendevan jî sergêj kiriye û herifiner jî dibe.

Helbestvan weke dahênereke/a deq a helbestê, divêt vê çandê bizane ku xala herî girîng a mana çandê ewa ye ku **1.** Bi zimanê xelkê û xwestek û daxwaza dilê xelkê û bi zimanekî îroyîn binivîse. **2.** Taybetî û bo heyameke diyarîkirî nebe.

Mixabn îro wêjeya Kurdî bi giştî û nemaze helbest tevî serhildana ew şîpelên berçav û nû ku civaka me jî bi xwe ve girtiye tevî kirîz û aloziyê berengar bûye. Di vî warî de jî nîfşa ciwan berengarî xwe winda kirinê bûye. Divêt em bibêjin ku hin ji ciwanên me di navbera van û wan de asê bûne û kevneşop û nûxwaz ku ji hewdana bajêrvanî û diyardeya çihanîbûnê ye, bûye kirîz û nesaxiya wêjeyê.

Mamosta **Hêmin** ê helbestvan dibêje: " Helbest tu car kevin û nû nabe" belkî helbesta baş û xirab heye, îca di her qalib û formekê de be (kilasîk yan nû) girîng nîne, ya girîng kakil û mesaja helbestê ye, lê form û navrok du bingehên sereke yê helbestê ne ku ji hev cuda ninin, lê heke helbestvan naverokê gorî rûçik û formê bike, şaş e, helbest divêt lédana nebza civakê bizane, helbestvan nabe bi hêceta doza ziman û guhertin di ziman de serê xwe û xwendevan gêj bike û kes ji wan fêhm neke, helbestvan divêt bizane wezîfa wî/ê çiyê û bo kê û bo çî dinivîse?

Doz û şasiya herî mezin a afirandinê eva ye ku xwendevan jê fêhm neke, yek ji hegerên bê xwendevaniya helbestê û dîrketina civakê jî helbestê û sergêjiya xwendevan dizivire bo: **1.** Asoya bîr û ramana helbestvan weke dahênereke/a deq a helbestê. **2.** Zorbûn û bê mifah bûna zêde di warê helbestê de. **3.** Edet û kevneşopên paremayî derheq bi helbestvan di nava civakê de û nêrîna fantazyayî û selfî a civakê û bîr û hîzrên giştî derheq kesayetiya helbestvan. **4.** Asta têngîştin û ronakbîriya civakê.

Helbestvan bi seh kirin bi wan erkên ku li ser milê wî/ê hene, divêt vê rastiyê jî li berçav bigre ku bi serhildan û geşkirina war û curên din yê wêje û çandê, îdî helbest ew erkên giran û berrispariyar yê ku li ser milê wê bûn, kêmkirî bûye û hewce nîne ku weke caran aliyên çandî yê xwe gorî berjewendiyên siyasî bike û bi pesna kesayetiyan ve bêje û xwe di çarçoveyê teng û daxistî de zindani bike, belkî divêt zêdetir warê çandî û helbestvaniya xwe li berçav bigre hetanî ku weke dengêkî cuda û bibandor bo pêşdebirina çand û wêjeya Kurdî xuya û berçav be.

Parastina ziman yek ji wan wezîfan e ku helbestvan divêt li berçav bigre, ziman darek e ku peyv jî çiq û Pelên wê pêk tînin, helbest divêt xwe bide ber tevahiya sibera wê, heke pel û çiqên wê yê xwar bihêne qetandin, ew dare rût dibe û siya wê ya teji namîne, lewra ziman bi peyvên nehez û bedev ve ziman e û helbest jî nabe li tu peyvêkê vecinîqe.

Dema ku peyvek dikeve ser zimanê xelkê û di kar û barên rojane û jiyana xelkê de rola xwe heye, parek ji dara ziman e û dikare di helbestê de jî bihête bikar anîn û geşe bike. Her tiştek ku di cihê xwe de bimîne û nezibize genî dibe. Lewra ziman û helbest bi hev re girêdayî ne û bêyî hev najîn. Mixabin ku helbesta nû a Kurdî îro rastî nesaxiyê hatiyê û nesaxiyekî bi xof a wêjeyî tûşî helbestvan û bitaybetî helbestvanên ciwan bûye, serbarê wê nesaxiyê ku ji derve hatiyê û nîfşa ciwan tûşî sergêjiyê kiriye, êşa hundir jî weke penceşêrê berbûye canê nesax, merema min ew êşa ye ku zor li mêjde ye bi bejn û bala helbesta nû a Farsî ve hatiyê gotin, ev pêlê bûye nesaxiyek û bazara helbesta nû a Kurdî jî aloz kiriye, cuda ji wê çandê dibêjin ku piraniya helbestvanên ciwan soz û biryar dayîne hev ku li ser yek bingeh û awayî binivîsin û hemû bi yek zimanê helbestê, helbesta binivîsin, peyv û benûştên hev dicûn, ziman û darêta wan bi yek awayî ye û di yek rewş û zirûfê de bêhnê dikişînin. Her wek em hemû aliyek dizanin di çihana wêjeyê de, helbestvan yan nivîskarek serkevî ew kesa/e ye ku xwediyê zimanekî taybet û şewaz û rêbazeke taybet bi xwe be.

Jêder: Kovarên Mehabad, Raman, Zirêbar û Awêne

REXNEGIRÎ

ADAR JIYAN

adarjiyan@my.net.com

Rexne, ligel ku karê herî zor û zehmet e jî, îro her kes bi hêsanî radibe dikeve bin vî barê giran û xwe wekî rexnegir û rexnekar nîşan dide. Bêşik û

bênîqaş binbariya rexneyê an karê rexnegiriyê qet ne karekî hêsan e. Û ne kar û barê her kesî ye jî. Carekê divê rexnegir berî her tiştî xwediyê gelek hewim û rewîştên dorfireh û zanistî be ku bikaribe ji bin vî barê giran derbikeve.

Rexne, bûye benîştê devê her kesî. Kî bixwaze heyfa xwe ji kê hilîne an wî/wê li bin guhê erdê bixe, pêşî bi navê rexneyê têkilî wî/wê û ber û berhemên wî/wê dibe û mexsed û mirazê xwe li ser navê rexnegiriyê pêk tîne. Heçku rexne qet ne fersend û destûrdayîna kesên ku bi hestyarî tevbigerin û kîn û zezeba xwe yên rojane bi kerb û hêrs bi ser kesê/a ku jê bi rik e de bibarîne. Çimkî rexnegirî bi xwe karekî pir çetin û lomedar e. Û ew, rasterê bi zanist, zanîn û hişmendiyê ve girêdayî ye. Jixwe rexneya ku xwe nespêre hişmendiyên zanayane û rêbazên zanistî, tu car wekî rexne û rexnegiriyê nayê hesibandin jî.

Gelek caran, du kes pêrgî hevdu dibin, piştî lihevpirsîn û merhebabûnê hema li ser piyan yek ji yê/ya din re dibêje: "Keko (an jî xwişkê) ez ê te hinekî rexne bikim", "Ez sinc û exlaqê te naecibînim.", "Min ew berhema te qet ne eciband..." û hwd. Carekê ev yek ne rexne ye û pir dûrî ruh û xisletên rexne û rexnegiriyê ye jî. Çimkî bi vî awayî ne kesê/a ku rexne lê tê kirin sûd û fêdeyê jî vê rexneyê werdigire û ne jî kesê/a rexnegir... Her du jî bi gazinc û lome nêzikî hevdu dibin belê bi xeyd û dilgiranî ji hevdu vediqetin. Ji bo wê mirov nikare vê yekê wekî rexne û rexnegiriyê bi nav bike. Bi rastî ev xislet û taybetmendiyên zanayane, tenê ne ji bo rexne û rexnegiriyê; her wiha ji bo hemû kar û barên ku mirov pê eleqedar dibe jî tiştêkî bivênevê ye. Heta ku rexne û rexnegirî rast neyê ravekirin, tu sûd û fêdeya rexneyê nagihîje mirov û civakê. Wekî ku tê zanîn rexne, hîmê bingehîn ê azîneyên zanistî ye. Her wekî din ew wekî rêbazê sereke ya sererastkirin û tekûzkirina ber û berhemên mirov e jî.

Rexnegirî/e ku ber û berhemekê an jî liv û tevgerêkê



binirxîne, divê ku xwediyê hin xislet û taybetiyên rexnegiriyê be jî. Her wekî din jî mirov dikare wekî mînak çend xisletên rexnegiriyê yên din jî bi kurtayî destnîşan bike. Di serî de divê rexnegir hay ji rêbazên rexnegiriyê hebe û der barê rexne û rexnegiriyê de xwedî zanîn be. Divê rexnegir xwediyê pêzaniyên zanistî be. Divê rexnegir, tişt an jî behrema ku rexne dike, baş binase. Divê rexnegir babet û xisûsiyeta tişt an jî berhemê baş bizanibe û der heqê jêder, awa û şewaza wê de xwedî agahî be. Divê rexnegir bizanibe çi dike an ji bo çi rexne dike. Divê rexnegir tiştê ku rexne dike an dinirxîne ji nêzik ve binase. Divê rexnegir li dewsa tiştê ku rexne dike tiştêkî baştir û tekûztir deyne. Divê rexnegir bi pêşniyar vebijerkên xwe re, kesê/a ku rexne dike, diltêr û tetmîn bike. Divê rexnegir hêz û qawetê bide kesê/a ku rexne dike û şasiyên wî/wê pê bide hisandin û pejirandin. Divê rexnegir û hem jî kesa ku rexne lê tê kirin sûd û fêdeyê jî wê rexneyê werbigire. Divê rexnegir rexneya xwe bi zimanekî xweş û şêrîn derbibire. Divê rexnegir, kesê/a ku rexne dike qet neêşîne... û hwd.

Heke ji min bê pirsîn, gelo tiştê herî zehmet çi ye? Bêşik ez ê bibêjim rexne ye. Belê dîsa ji min bê pirsîn, gelo tiştê herî hêsan çi ye? Bêfikar ez ê dîsa bibêjim rexne ye. Lewre gelek kes tiştên gelekî zor û zehmet hêsan digirin û nirx û qîmeta wî tiştî dixin ber lingan. Bo nimûne; ligel ku di nav çesn û cûreyên wêje yê de karê herî zehmet kelbeng helbestkarî ye jî, em dêhna xwe didinê ku gelek kes, pêşî bi helbestê dest bi wî karê xwe yî xama dikin û xwe wekî helbesvan dihesibînin. Rexne jî, ligel ku karê herî giran û zehmet e jî, her kes bi piştrastî radibe xwe li rexnegiriyê girêdide û xwe wekî rexnekar nîşan dide. Îcar bi rastî û mixabin ne helbestkariya me bi navê xwe re û ne jî navê rexnegirîya me bi xwe re li hev e.

Kaniya Helbestan

Yan mêrek çê yan çiyayek asê

Latîf Epozdemir

Di sed sala bîsta de mê çiya li pišta min he ne barê giran dikşînim pišta min li çiya ne. Van azarên sedan sala dane pišta min çiya li ber bayê kaş di bim ez li çiyayê pišta min. Yan mêrek çê ku tune bî çiyayek asê min pišta xwe daye çiyê li çiyayê pišta min. Ez çiya didim pišta xwe berê min li asoyê çiya tu kes nîne bide erdê pišta min. Lewra ku li çiyayê pišta min ez pišta xwe didim çiya li pišta min in çiya...

Dilketî

Tim دنیا jî pê dizane tu carî, bêdeng nema me derdê min gotin bi helbesta hozana, Ewqas ku êdî helbest westiyar av sekinî, li ro û çema agir vemirîn li serê çiya.

Dil bi kel û girîn e hemû rojan dengê min e tevî bayê belav dibe ser dinyayê, Danganek, ji pal û zinaran radibin li ser min dikşînin cewr û cefayê.

Dar tazî man li daristanê Roj çû ava li asîman Şev bû tarî wek qetran...

Ez hatim ber derê te ketim tor û bextê te, Mala min nekî wêran nevan bi min nekin seyran.

Gul şewitîn li gulistan Deşt peritîn li beristan Xwîn bûye ax di goristan.

Rengê min e rengê agir, para min e dar û kevir Tu nêçîrvan ez jî nêçîr, ez dest vala, tu jî bi tîr.

Ax şerm dike bin pîyê min Berf dewam e ser serê min Giryar û şîn ber derê min....

Serjêr:

1. Ji aliyê Amerîkayê ve bi mîkroba siyahzexm (birîna reş) dihate naskirin.
2. Dûrî.
3. Eemel- Navê şîrketekê ye li Swîsê de- Kurtkiriya peyva Pêşmerge.
4. Zor xelîz.
5. Di polên seretayiyê de ew jî hebû- Kesayetiyeke navdar e.
6. Berevajî tê wateya rihê pênuşê- Berevajî tê wateya tiştê herî girîng di rojnamê de.
7. Heke **J** bê zêde kirin tê wateya hêr.
8. Di Turkî de dibêjne Hespan- Nexweşiyek e- Saziya herî mezin a cîhanê.
9. Firçeyek Şîeyan peyrewê Ebdulahibnê Seba.
10. Paşayekî Mad bû.

Çeprast:

1. Serokê SIA'ê.
2. Saziya ewlekariyê a Îsraîlê.
3. Nişaneya heyrîmanê ye - Heke **R** bê zêde kirin, tê wateya bêhewselebûnê - Heywanek e.
4. Hov - Derd - Cotkar mifahê ji wê jî werdigin.
5. Berevajîya wê kurtkiriya hêzekê ye - Dibêjne zarokan, heke kur be.
6. Av li ser heye - Di Farsî de bo şeweya giriyê tê.
7. Rêberê şoreşa Çînê - Reh û rîşeya royîştin di Soranî de- Bêdenî.
8. Ew bi Farsî - Berevajî tê wateya navê heftînameyek Ermenî- Di Farsî de tê wateya "hestî"!?
9. Heke **A** bê zêdekirin tê wateya elind.
10. Hakimek bû di hikûmeta Sefariyan de.

Bersiva Xaçepirsa hejmar 34

1		N	A	P	E ₂	L	O	N		
2	H		V	A	R	I	N		E	M ₅
3	I	N		R	A	M		E	R	A
4	M	Û	S				O	M	E	R
5	A	Ş ₃	Û	R			L	I	B	I
6	L	A	M	I			I	N	A	K
7	A	T	E	N		S		E	N	Û
8	Y	Ê	R ₁		S	E ₄	N		E ₆	R
9	A	L		K	I	R	I	Z		I
10			K	A	M	Ê	R	Û	N	

Peyva veşartî (R E Ş E M E)
1 2 3 4 5 6

Xelatên Oskarê yên 2006'an

Êvarîya roja 05.03.2006'an di rê û resmeke çandî a mezin de li bajarê Losancolisê, **Akadîmiya Amerîkî ji bo çand û zanista sînemayê**, di daxuyaniyekê de xelata herî baş a filma Oskar ya sala 2006'an pêşkêşî filma **Lihavdanê** kir. Pol Hacîz derhêner û nivîskarê sîneriyoya vê filmê bas ji jiyân û serpêhatiya çend kesan diket ku xwediyê tixm û etnîkekî cuda ne û di bajarê Losancolisê de dijîn, herwiha derhênerê û filmê ronahiyê dixê ser wê demargîriya ku di filmê de û di encama ji hevdana tixmî ve çê dibe.

Hêjayî gotinê ye ku ew filme cuda ji xelata herî baş a filmê, 3'ê xelatên din yên Oskarê di warê, baştirîn montaj, baştirîn deq û baştirîn arîkarê sînerîst de wergirt. Her di vê Festivalê de çendîn hunermend û filmên din bi awayên cur bi cur hatine xelat kirin ku emê di jêr de qala van bikin.

Xaçepirs

Amadekar: Şehab Xalîfî

1										
2										
3										
4										
5										
6										
7										
8										
9										
10										

Peyva veşartî (1 2 3 4)

- Filma "Çiyayê Birokbar", derhênera "Ang lî" weke filma dîyemîn a Festivalê
- "Ang lî" weke derhênerê herî baş hate naskirin.
- "Larî Makmorîrî û Diyana Osana" weke baştirîn sînerîstê filma "Çiyayê Birokbar"
- "Costafo Santola" weke muzîkvanê herî baş yê filma "Çiyayê Birokbar"
- "Fîlîp Sîmor Hofman" weke Ekterê herî herî baş di filma "Kapot" de
- Xatûna "Rês Wîzerspon" weke baştirîn ektera jin di filma "Walktheline" de
- Filma "Pêşkevîna Împîrator" derhênera "Lok Cakiye" yê



Feransî weke baştirîn filma di warê dekomêntê de

- Filma "Tisotsî" a Rojavaya Afrîqa weke baştirîn film di warê "bînayî" de
- Filma "Kîng Kong" weke baştirîn film di warê deng û montaja deng de
- Filma "Bîranînên Keça Gîşayek" wek baştirîn film di warê rêveberîya hunerî, cil û berg, teknîk û wênegirtinê de
- Xelata baştirîn makyaj ji aliyê koma filma "Sermetiyên Narîna" hate wergirtin


Hêjayî gotinê ye ku Festivala Oskarê ya 2006'an bi pişikdariya zêdetir ji 3300 ekterên sînemayî û hunerî û ... yên cîhanî bi awayekî rasterast û di zêdetir ji 100 welatên cîhanê de dihate nîşan dan.

Jêder: "Kurdistanî Nwê", hejmar 3916

Simkoyê canemerg û Herîra bê wêne

Mirina di ciwanî û lawîniyê

de, ew jî mirinek piştî 4 salan berxwedanî tevî êş û azarên nesaxiya giran ya Penceşêrê, ne tenê bo nesaxek mehkûm bûyî bi canemergbûnê, ji ber ku ji bo kes û kar û hevalan jî bûyereke pir tal û nexweş e, xasmanî ger ew kes jî yadigarê Şehîdekî rêya



azadiya neteweya Kurd û bi xwe jî şoreşvanekî dirêjederê rêya bavê xwe û Kadroyekî jêhat û dilsoz be, û 10 sal ji 25 salên temenê xwe di çeperên pir şanazî yê PDK Îranê bihorandibe.

Mixabin, şeva pêncşemî, 11'ê Reşemeya 1384(02.03.2006)'an, **Simko Agoşî**, kurê Şehîd **Birahîm Agoşî** xelkê gundê Kanîkiîf ya Pîranşarê xatira xwe li jianê xwest û dilê hemû dost û heval û kes û karan jî daxdar kir. Simko di temenek pir kêm de bû Pêşmerge û tevî refên PDK Îranê bû. Li destpêkê di hêza Qendîl a Partiyê de mijûlê erkê Pêşmergeyatiyê bû û ji ber jêhatî û çelengî û xwe elimandinê bû Kadroyê siyasî û berrisjariyên cur bi cur di warê hînkirin, ewlekarî û Bêsimê li Navenda 3'ê a Kurdistanê de li stû girtin û karî serkevtiyane û serbilindane wan erkane birêve bibe.

Simkoyê canemerg havîna îsal serbarê nesaxiyê tevî Herîra (keça Pêşmergeyêkî kevnar yê partiyê) evîndar û hez kiriya çendîn saliya xwe jiyana hevpar pêk anî. Her çend ku Simko berî zewicînê ji ber nexweşiya xwe, daxwaz ji Herîrê kiribû ku ew dawî bi vê evîndariya çendîn salî bînin, lê evîndara wî nehêla ku Simko vê hêvî û xwezîyê bibe bin axê û bi destpêkirina jiyana hevpar, mîdala mezinahî û însanetiye kire skura xwe .
"Rojname Kurdistan"

Bi vê hincetê em wekî malbata Agiri serxweşiyê ji Herîr, malbat û kes û karên Simko dikin û xwe di vê xemê de bi şîrîk dizanin.

YJDK Îranê Roja Cîhanî a Jinan pîroz kir

Yekîtîya Jinên Demokrat a Kurdistanê Îranê di daxuyaniyek çapemeniyê de, 8'ê Marsê, Roja Cîhanî a Jinan pîroz kir. Di daxuyaniyê de YJDK Îranê pîrozbahiyên xwe pêşkêşî hemû jinên cîhanê û bi taybet yê Kurdistanê dike û tekezê li ser giringiya vê rojê, weke roja tevlibûna deng, reng, xebat, gazî û nalîna jinên çewisandî di






seranserê cîhanê û herwiha perçiqandina jinan di qonaxên cur bi cur yê jiyandê de dike.

Daxuyaniyê dide zanîn ku serbarê gavên çalak û biwêr û herwiha destkevtên binirx yê jinan di qonaxa îro de, lê pîrsa jinan çareser nebûye û bûye bi pîrs û mijara sereke ya cîhanî. Daxuyaniya YJDK Îranê nîrxandinê li ser doza jinan di welatên pêşketî û paremayî de dike. Paşan lênihêrinêkê bi ser rewşa jinên Îranê û Kurdistanê di hemû warên civakî, siyasî, aborî, çandî û kulturî û xebatê de dike û serbarê rabihoriyek geş di hemû bizavên dijî zordarî û diktatoriye de, lê hêj ji destpêkîrîn mafên mirovan yê xwe bêpar in û bê hurmetî û tund û tûjî dijî wan di xurt bûnê de ye.

YJDK Îranê di rapora xwe de herwiha tîne ziman ku serbarê reform û guhartinan di Rojhilata navîn de, lê Komara Îslamî her bi vê ramanê hizra kevn û paremayî di hemû warên siyasî, civakî û çandî û ... bi taybetî mîzeziyê jinê dike û nemaze piştî hatine ser kar a Mehmûd Ehmedînejad, tepeserkirin û bê edaletî û berteng kirina xwast û daxwazên jinan roj li pey roj pitir û xurtir dibe.

Piştê YJDK Îranê di daxuyaniya xwe de halwesta jinên Îranê û Kurdistanê di heyamê 27 sal desthilatdariya Komara Îslamî de bi erênî û pozetîv dinirxine ku her tim pêşengên bizavên azadîxwaziyê bûne û tu car jî radestî bîr û bawerên kevn û paremayî yê Komara Îslamî nebûne û rola jinan bi taybetî yê Kurdistanê di xebat û têkoşînê de bilid dihesibîne ku li henberî tepeserî, zext û givaşan de teslîm nebûne û serbarê zulma neteweyî, li ser xwast û mafên xwe jî bê deng nemane.



Karikator: Malpera Cagle.com